



RESOLUCIÓN DO DEPARTAMENTO TERRITORIAL DA CONSELLERÍA DO MAR EN VIGO, POLA QUE SE PUBLICA A ADMISIÓN DA INSCRICIÓN DUNHA EMBARCACIÓN E A SÚA PUNTUACIÓN PROVISIONAL NA LISTA ABERTA PARA O INCREMENTO DE COTAS DE CAPTURA PARA AS EMBARCACIÓNS INCLUÍDAS NO PLAN DE XESTIÓN DO RECURSO ESPECÍFICO DE PERCEBE DENDE EMBARCACIÓN, DA CONFRARÍA DE PESCADORES DE BAIONA APROBADO PARA O TRIENIO 2022-2024

ANTECEDENTES

1. A Orde do 22 de decembro de 2021 aprobou os plans de xestión para recursos específicos e algas en Galicia para o trienio 2022-2024 (DOG. Núm. 251, de 31.12.2021)

De conformidade co expediente de aprobación do plan de xestión de percebe dende embarcación, da confraría de pescadores de Baiona (PE401A 2021/60-5), estableceuse un número máximo de 32 embarcacións con 71 tripulantes habilitados con dereito a cota.

2. En datas 19 e 20 de outubro de 2023 houbo 4 solicitudes de renuncia a unha (1) cota de percebe por embarcación, polo que no momento actual o número de embarcacións con percebe no permiso de explotación autorizadas para participar no plan é de 32 embarcacións e 67 habilitacións.

3. O 31 de outubro de 2023 a entidade titular do plan presentou solicitude para que se iniciase o proceso para a cobertura de habilitacións ata o número máximo previsto no plan.

4. Mediante Resolución do 14 de decembro de 2023 a Xefatura Territorial da Consellería do mar en Vigo abriuse o prazo de presentación de solicitudes para a elaboración da lista aberta para o incremento do número de cotas de captura das embarcacións incluídas no plan de xestión de percebe dende embarcación, da Confraría de pescadores de Baiona.

5. Mediante resolución do 12 de xaneiro de 2024 a Xefatura Territorial da Consellería do Mar en Vigo, publicou a lista provisional de puntuacións con catro (4) embarcacións admitidas e ningunha excluída do proceso. Nesta resolución outorgouse un prazo de quince (15) días hábiles, contados a partir do seguinte ao da súa publicación, para efectuar alegacións ás puntuacións outorgadas.

6. En data do 18 de xaneiro de 2024 as catro (4) persoas armadoras interesadas presentan escritos onde indican que só queren unha praza de percebe e que non realizarán alegacións á lista provisional.

7. Mediante Resolución do 22 de xaneiro de 2024 a Xefatura Territorial da Consellería do Mar en Vigo publicouse a lista aberta para o incremento do número de cotas de captura para as embarcacións incluídas no plan de xestión para o recurso específico percebe dende embarcación da confraría de pescadores de Baiona.





8. En data 23 de maio de 2024 houbo 1 solicitude de renuncia a unha (1) cota de percebe dunha embarcación incluída no plan, polo que no momento actual o número de embarcacións con percebe no permiso de explotación autorizadas para participar no plan é de 32 embarcacións e 70 habilitacións.

9. O 5 de xuño de 2024 a entidade presentou solicitude para que se iniciase o proceso para a cobertura da dita habilitación.

10. O 20.06.2024 o armador da embarcación LUIS VI-6-3086 solicitou a súa inscrición na lista confeccionada para o incremento do número de cotas de captura para as embarcacións incluídas no plan de xestión.

CONSIDERACIÓNS LEGAIS E TÉCNICAS

1. O Decreto 153/2019 do 21 de novembro, polo que se regula o réxime de conservación e explotación dos recursos marisqueiros e das algas, establece no artigo 17.2 que cando o número de participantes sexa inferior ao máximo establecido no plan de xestión, a xefatura territorial da consellería competente en materia de marisqueo incrementará anualmente o número de participantes no plan ata o máximo establecido, sen prexuízo das medidas de adaptación establecidas no artigo 21.

2. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia determina nos seus artigos 39 a 46, o procedemento para o incremento do número de cotas de captura para as embarcacións incluídas nun plan de xestión. No seu artigo 39 establece un sistema de lista aberta para o incremento do número de cotas de captura para as embarcacións incluídas nun plan de xestión na que a orde de prelación das embarcacións virá determinado pola puntuación obtida trala aplicación do baremo previsto no artigo 43.1.

3. No punto 4 do artigo 39 da Orde do 30 de decembro de 2015, establécese que as listas estarán abertas permanentemente para que as persoas armadoras de embarcacións interesadas incluídas no plan de xestión poidan solicitar a inscrición.

4. A embarcación que solicita a inclusión na lista aberta está incluída no plan de xestión de percebe da Confraría de Baiona e cumpre os requisitos establecidos para participar no sistema de listas (artigos 41 e 42 da Orde do 30 de decembro de 2015).

5. A solicitude valorouse de acordo co baremo aprobado pola Resolución do 4 de maio de 2016, da Dirección Xeral de Desenvolvemento Pesqueiro pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020 da Dirección Xeral de Desenvolvemento Pesqueiro.





6. Este departamento territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior este departamento territorial

RESOLVE:

1. Admitir a inscrición da embarcación **LUÍS VI-6-3086** na lista aberta para o incremento do número de cotas de captura para as embarcacións incluídas no plan de xestión para o recurso específico percebe dende embarcación, da confraría de pescadores de Baiona así como publicar a puntuación provisional outorgada a dita embarcación (anexo I).
2. Contra a puntuación provisional acadada pola dita embarcación, a persoa interesada **poderá presentar alegacións** ante o Departamento Territorial de Vigo da Consellería do Mar **no prazo de 15 días hábiles**, contados a partir do día seguinte ao da publicación desta resolución. As alegacións non se contestarán expresamente de xeito individualizado, aínda que, de selo caso, si se terán en conta para a puntuación definitiva.
3. A presente resolución publicarase no taboleiro de anuncios do departamento territorial de Vigo e na páxina web <http://mar.xunta.gal>. A resolución tamén se exporá, con carácter informativo no taboleiro de anuncios das xefaturas comarcais de Pontevedra e Vilagarcía e da confraría de pescadores.

O artigo 10 da Lei 4/2019, do 17 de xullo, de administración dixital de Galicia, establece a obrigatoriedade para as persoas traballadoras autónomas de relacionarse a través de medios electrónicos no ámbito do sector público autonómico para os trámites e as actuacións que realicen no exercicio da súa actividade profesional. Polo tanto, as alegacións, deberán presentarse por vía electrónica a través do formulario normalizado asociado á solicitude inicial do procedemento PE401M (achega de documentación separada da solicitude) ou ben a través do formulario de alegacións dispoñible nos modelos xenéricos da sede electrónica (PR004A na <https://sede.xunta.gal>).

Para a dita presentación será necesario do Documento Nacional de Identidade electrónico (DNIe) ou calquera dos certificados electrónicos recoñecidos pola sede da Xunta de Galicia.

Esta resolución notifícaselle á confraría de pescadores de Baiona, como entidade titular do plan de xestión de percebe, consonte ao artigo 40 e seguintes da Lei 39/2015, de 1 de outubro.

A directora territorial
María Elena Suárez Sarmiento





ANEXO I

Lista aberta para o incremento de cotas de captura para as embarcacións incluídas no plan de xestión de percebe.

Confraría de pescadores de Baiona

Embarcación	Matrícula	Folio	Embarcación cunha só cota de captura C.1	Experiencia profesional armador C.2	Habitualidade da actividade pesqueira C.3	Total
AVE DEL MAR	VI-5	9779	5	0,60	2	7,60
LUA MAR (antes LILIA)	VI-6	1-23	5	0,40	1	6,40
DOKIÑA M	VI-6	3-06	5	0,20	1	6,20
GADAMI	VI-6	1-09	5	0	0	5,00
LUÍS (*)	VI-6	3086	5	0	0	5,00

(*) Inscripción da embarcación na lista e puntuación provisional outorgada.

Os epígrafes de cada columna son: (de acordo co apartado C do anexo I da Resolución do 4 de maio de 2016, da Dirección Xeral de Desenvolvemento Pesqueiro, polo que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos par o incremento do número de cotas de captura para as embarcacións incluídas nun plan e xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro).

Total: puntos acadados en total.

C.1: Embarcacións que só teñen unha cota de captura no plan de xestión: 5 puntos.

C.2: Experiencia profesional no sector da persoa armadora da embarcación. Terase en conta que a persoa armadora estivese enrolada como percebeiro (con habilitación) en embarcacións que contan coa modalidade. nos 2 anos anteriores á data da convocatoria: 0,2 puntos/mes completo.

A puntuación máxima total que se poderá obter nesta epígrafe será de 4 puntos.

C.3 Habitualidade da actividade pesqueira.

– Se a embarcación acredita ter realizado actividade extractiva entre 15-35% dos días que foron efectivamente autorizados para a extracción dentro do plan de xestión do ano natural inmediatamente anterior: 1 punto.

–Se a embarcación acredita ter realizado actividade extractiva entre 35,01-60% dos días que foron efectivamente autorizados para a extracción dentro do plan de xestión do ano natural inmediatamente anterior: 2 puntos.

- Se a embarcación acredita ter realizado actividade extractiva superior a un 60,01% dos días que foron efectivamente autorizados para a extracción dentro do plan de xestión do ano natural inmediatamente anterior: 3 puntos.

A puntuación máxima total que se poderá obter nesta epígrafe será de 3 puntos.

